

讀史方輿紀要

續史方輿記要

山

西

山

函

山西方輿紀要序

山西之形勢最為完固關中而外吾必首及夫山西蓋語其東則太行為之屏障其西則大河為之襟帶於北則大漠陰山為之外蔽而勾注鴈門為之內險於南則首陽底柱析城王屋諸山濱河而錯峙又南則孟津潼關皆吾門戶也汾澮縈流於右漳沁包絡於左則原隰可以灌注糟粟可以轉輸矣且夫越臨晉沂龍門則涇渭之間可折箠而下也出天井下壺關邯鄲并陘而東不可以惟吾所向乎是故天下之形勢必有取於山西也吾益徵之春秋之世而知所以用山西者矣叔虞之初封於唐也不過百里之國其後并兼弱小漸以盛強獻公信驪姬之讒申生死而重耳逐當是時晉國之危不絕如綫以秦繆之才且智豈不欲兼晉而有之而勢不能也韓之戰既以獲其君矣而卒不能入其國豈惟喪君有君之義州兵爰田之制晉諸臣之才力皆足以抗衡於秦亦其國之險塞可憑依以為固也及文公以晉霸而天下之征伐號令且自晉出焉觀於服鄭懾楚晉之兵威遠及於江漢矣襄公敗秦師於殽秦人報怨之師嘗欲甘心於晉自襄靈成景厲悼以及平公之世秦晉河上之戰前後以數十計然秦卒不能得志於晉當是時秦日以強繆康桓景諸君其材足以爭雄於中國而成周無恙東諸侯之屬不遂罹秦禍者不可謂非晉之大有造於天下也及三家分晉而晉非復春秋之舊矣然而衛鞅之言曰秦之與魏譬如人有心腹之疾非魏并秦秦即并魏魏必東徙然後秦可據山河之固東鄉以制諸侯是一魏猶足以難秦也蓋魏之強以河西安邑而韓之強則以上黨趙之強則以晉陽及雲中九原自魏去安邑都大梁而魏始弱矣秦惠文君時魏以河西之地盡入於秦而魏益弱秦昭襄二十一年安邑復入秦而魏遂不復振矣秦人既得安邑乃謀韓之上黨秦拔上黨之後凡八年而韓遂入朝於秦又六年攻趙拔晉陽晉陽拔後十九年而三晉竟亡矣嗚呼秦之能滅晉者以晉分為三而力不足以拒秦也假使三晉能知天下之勢其於安邑於上黨於晉陽也如扞頭目而衛心腹也即不能使秦人之不我攻必當使我之不可攻即不能為其不可攻必不可遂敵之必我攻合與國以爭之上也舉國以爭之次也於安邑於上黨於晉陽固尺寸之地即為其國延旦夕之命也奈何揖寇入門而不知割己肥敵而不悟使秦人得以坐待其斃乎然而秦自孝公以後卒六世之力而後能盡舉安邑上黨晉陽之地亦不可謂不難矣漢都長安

而太原雲中定襄皆屯宿重兵所以鎮撫北方也魏晉之際雁門以北盡皆荒塞而以并州為重鎮及劉淵倡亂於離石闕河以南悉備其荼毒晉室之禍自古未有也苻堅之取燕也破壺關克晉陽乃一舉而入鄴拓跋魏起於北荒奄有恒代規取河北蠶食河南既又克統萬平遼東收姑臧縱黃四出無有當其鋒者及南徙洛陽而肩背之勢倒制於巨猾強藩矣是故六鎮跳梁於前爾朱憑後於後高歡篡竊於終皆自隔遠恒代階之禍也宇文氏與齊人爭於龍門玉壁之間材均勢敵卒不能越關河尺寸及周人克有平陽進拔晉陽而慕容之轍高齊復蹈之矣隋以漢王諒之亂列戍太原建置留守唐公乘之引兵而西克臨汾渡龍門撫定關隴於是東鄉而爭天下勢如建瓴也劉武周資突厥之助盜據馬邑旦越鴈門而侵并晉太宗投袂而起奮其雄武亟削平之誠以并晉為關輔之襟要卧榻之旁不可以假他人耳河北連兵太原如故故李郭藉為根本得東鄉以滅安史唐末李克用資之雖艱難孱弱卒能自振存勗夾河之戰不過十五年而梁之君臣函首以告先王矣石敬瑭據有晉陽卒易唐祚劉知遠繼之復承晉社其後劉崇以河東十州之地矯命者垂三十年以周世宗之英武宋太祖之雄畧而不能奏芟除之烈也女真竊入雲中進陷朔代張孝純以太原拒守雲中之寇未敢南牧也及孤城覆沒敵勢益張遂有青城之辱追於取河中渡臨晉而永興六路一時摧敗矣元末據鄆據晉冀太祖取之乃在克平元都之後明既定都於燕而京師之安危常視山西之治亂蓋以上游之勢係於山西也或曰山西之形勢誠重矣然昔人有言殷紂之國左孟門右太行常山在北大河在南而武王殺之且高幹不能以并州拒曹魏劉琨不能以并州制劉石靳準竊平陽而旋斃於劉曜楊諒起晉陽而卒蹶於楊素惡在其為險固者也曰成敗相乘也如轉圜也使謂形勢可恃是終古無覆亡之國也且不聞朱子之說乎冀州山川風氣所會也昔者堯都平陽舜都蒲阪禹都安邑蓋自昔帝王嘗更居之矣曰然則山西可以建都否乎曰天下之事創起為難燕京襲遼金元之故轍乃曰取法於黃帝也山西有堯舜禹之成謨乃曰漢唐以來未有建都者也庸人之論不究本末如此夫山西之與燕京又烏可以同日語哉

讀史方輿紀要卷三十九

崑山顧祖禹景范輯著
南昌彭元瑞芸楣校定

錦里龍萬育雙堂校刊

山西一

古曰冀州舜分置十二州此為并州應劭曰地在兩谷之間故曰并州亦曰衡水禹貢仍曰冀州其地險易帝王所

冀強荒則冀周禮職方正北曰并州成王封叔虞於唐此為晉地戰國時為趙地亦兼韓魏之疆今平陽府故魏地

故韓地後皆入於秦其在天文昂畢則趙分野韓魏分野見秦并天下置太原河東上黨代鴈門雲中等郡漢武置十三州此

亦為并州其河東郡則後漢以并州治晉陽靈帝時羌胡大擾定襄雲中等郡並流徙分散獻帝時省入冀州魏黃

初中復置并州自陞嶺以北並棄之晉亦置并州惠帝時為劉淵所殘破其後劉曜徙都長安平陽以東陷沒於石

勒及符堅姚興赫連勃勃之際並於河東置并州姚興時又嘗分河東置并冀二州及後魏以後分析益多不可得

而詳也隋亦置十三部而不詳所統唐貞觀初置河東道開元中因之移治蒲州天寶初又置河東節度使於并州及五

代時李克用石敬瑭劉知遠代有其地並建大號周廣順初劉崇據其地宋太平興國四年始克平之仍置河東路

而鴈門以北則屬於契丹為西京路金人分置河東北路河東南路及西京路北路治太原南路治平陽西京路治大同元亦分為冀

晉益大同等路直隸中書謂之明洪武元年置山西行中書省於太原九年改為山西等處承宣布政使司今領府

五直隸州三屬州十六縣七十九總為里四千四百有奇夏秋二稅而衛所參列其中今仍為山西布政使司

太原府屬州五縣二十

陽曲縣附郭太谷縣太原縣榆次縣清源縣祁縣徐溝縣

壽陽縣交城縣文水縣河曲縣孟縣靜樂縣

平定州屬縣一

樂平縣

忻州屬縣一

定襄縣

代州屬縣三

五臺縣

繁峙縣

崞縣

崞嵐州屬縣二

嵐縣

興縣

保德州

平陽府屬州六 縣二十八

臨汾縣

附郭襄陵縣

洪洞縣

浮山縣

趙城縣

太平縣

岳陽縣

曲沃縣

翼城縣

汾西縣

蒲縣

蒲州屬縣五

臨晉縣

榮河縣

猗氏縣

萬泉縣

河津縣

解州屬縣五

安邑縣

夏縣

聞喜縣

平陸縣

芮城縣

絳州屬縣三

稷山縣

絳縣

垣曲縣

霍州屬縣一

靈石縣

吉州屬縣一

鄉寧縣

隰州屬縣二

大寧縣 永和縣

汾州府屬州一縣七

汾陽縣附郭孝義縣

平遙縣

介休縣

石樓縣

臨縣

永寧州屬縣一

寧鄉縣

潞安府屬縣八

長治縣附郭長子縣

屯留縣

襄垣縣

潞城縣

壺關縣

黎城縣

平順縣

直隸澤州屬縣四

高平縣

陽城縣

陵川縣

沁水縣

直隸沁州屬縣二

沁源縣

武鄉縣

隰遼州屬縣二

榆社縣

和順縣

大同府屬州

縣七

大同縣附郭懷仁縣

渾源州

應州屬縣一

山陰縣

朔州屬縣一

馬邑縣

蔚州屬縣三

廣靈縣

廣昌縣

靈邱縣行都司各衛所及屬夷皆附見

東據太行

太行為天下之脊中分河東河北之境今自澤潞以北達大同之東境皆太行也

南通懷孟

自懷孟而南西指洛陽東指汴梁懷孟者中原之要膂也

西薄於河

黃河自塞外東北流至廢東勝州西北折而南凡千七百里至蒲州河津縣之龍門山又南歷雷首山折而東河之南即華陰也又東至垣曲縣之王屋山南而入河南懷慶府境

北邊沙漠

自大同以北去沙漠七百餘里分列戍守為防維要地

其名山則有雷首

雷首山一名中條山在平陽府蒲州東南十五里首起蒲州尾接太行南跨芮城平陸北連解州安邑及臨晉夏縣聞善之境禹貢壺口雷首即是山也左傳趙宣子田於首山史記衛鞅謂秦孝公魏居嶺阨之西都安邑於秦界河而獨擅山東之利司馬貞曰大河經中條之西自中條以東連汾晉之險嶺謂之嶺扼漢武帝置首山宮於此元封六年詔曰朕禮首山毗田出珍玉或化為黃金正義毗田山下封禪書自華以西名山七一日薄山蓋襄山也亦中條之異名穆天子傳水經注雷首西臨大河俗亦謂之堯山上有堯城括地志雷首山延長數百里隨州郡東巡自河首襄山即此

而異名一名中條山一名首陽自又有蒲山歷薄山襄山甘棗山渠潞山獨頭山隔山吳山亦曰吳坂之名尚書太傳

湯伐桀升自隔鄭氏云隔在河曲之南是矣山之南阜即首陽山夷齊餓死於其六典河東道名山曰雷首亦曰中條天寶末哥舒翰與賊將崔乾祐戰於靈寶西原翰軍於河北登高阜望之胡氏曰首山與湖城縣之荆山隔河相望是也軍敗翰走

自首山西度河入關或又謂之南山元至正十八年汝穎賊陷晉冀諸處察罕帖木兒引軍趨河東先遣兵屯南山阻隘自勒重兵屯聞喜洛陽賊果出南山為伏兵所敗乃進屯澤州中條在晉冀之南與河南岸諸山相名山中條以中狹不絕而名上有分雲嶺天柱峯及桃花元女諸洞谷口蒼龍等泉其瀑布水接故曰南山云

底柱

底柱山在平陽府解州平陸縣東南五十里西去河南陝州四十里近志三門山之中峯為底柱高不逾數尋關不及百尺持以歸然中流而名夫底柱控扼

河津其為險峻也尚矣志考之未詳也詳見河南名山

太行

太行山在平陽府絳州絳縣東二十里志云在澤州南二十里迤邐而東北跨陵川壺關潞城黎城達州和順武鄉諸州縣境此為太行之西垂東連懷澤

之境又東北出彰德潞安之郊直抵幽州東北凡數千里詳見河南名山

恒山

恒山在大同府渾源州南二十里即北岳也志云石晉以山後川歸於契丹中國乃於曲陽致祭明宏治中以馬文升請正祀典因重建北岳廟於渾源州詳見直隸名

山

霍山

霍山在平陽府霍州東南三十里亦曰太岳亦曰霍太山禹貢既脩太原至於岳陽謂太岳之陽又曰壺口雷首至於

太岳周禮職方冀州鎮曰霍山爾雅西方之美者有霍山多珠玉史記周武王伐紂飛廉先為紂使北方還無所

報乃為壇於霍太山而致命焉山下有觀堆高二里周十里趙襄子滅智氏祠霍太山於此曰觀堆祠後周建德

五年周主自將攻晉州軍於汾曲分遣宇文純守千里徑志云徑極高險每大軍往來甚苦之後魏平陽太守封

子繪嘗請別開一路旬日而就蓋自霍山北出汾州徑指太原之道杜佑曰汾州男北極太原當千里徑隋開皇十四年詔以霍山

為冀州鎮仁壽末楊素擊漢王諒諒遣將屯高壁見霍州靈石縣以拒之素令諸將引兵臨之而自引奇兵深入霍山稼

崖谷而進遂敗諒軍大業十三年李淵建義師至霍邑隋將宋老生屯兵據險師不得前乃傍山取徑去城十餘

里老生逆戰敗死蓋即千里徑也又霍山亦謂之西山以自山而北接綿山介山達於晉陽之西南也唐天復元年周德威逼晉絳為汴軍所敗汴軍長驅晉陽德威收餘衆依西山還晉陽又五代周廣順初北漢主劉崇攻晉州不克引還周兵追之及霍邑霍邑道險漢兵墮崖谷死者甚衆周兵追者不力乃得度蓋霍山崎嶇險峻介并晉二州之間實控扼之要矣唐六典河東道名山曰霍山祀典謂之中鎮明洪武中建中岳廟祀霍山

勾注雁門關附

勾注山在太原府代州西北二十五里一名西陁山陁讀亦曰雁門爾雅北陵西踰鴈門山海經鴈門飛鴈出於

其門郭璞曰西踰即鴈門呂氏春秋天下九塞勾注其一國策張儀說燕王趙王欲并代與代王遇於勾注之塞

又蘇厲為齊謂趙惠王秦反臣分先俞於趙孔氏曰臣分即陁山先俞即西踰字與音之謠也史記趙襄子踰勾

注而破并代又趙世家趙有代勾注之北漢六年匈奴圍韓王信於馬邑信降匈奴匈奴遂引兵南踰勾注又漢書

敬傳漢兵已踰勾注又文帝後六年匈奴入上郡雲中以蘇意為將軍屯勾注武帝元光五年詔發卒治鴈門阻險劉氏曰

奴通道令晉地道記北方之險有盧龍飛狐勾注為之首天下之阻所以分別內外也河東記五代李勾注以山

形勾轉水勢注流而名亦曰陁嶺自鴈門以南謂之陁南以北謂之陁北自漢中平以後羌胡大擾陁北之地皆

為荒外魏晉時並以勾注為塞曹魏青龍元年鮮卑軻比能誘保塞鮮卑步度根時步度根保與結和親自勒萬

騎迎其累重於陁北并州刺史畢軌請出師拒遏魏主詔曰慎勿越塞過勾注也時軌軍已先進果敗晉永嘉四

年鮮卑拓拔猗盧帥部落自雲中入鴈門從并州刺史劉琨求陁北地琨徙樓煩馬邑陰館繁峙崞五縣民於陁

南以其地與之曹魏時五縣俱已遷陁南遺民猶在陁北也咸和二年後趙將石虎擊代王紇那於勾注陁北紇那兵敗徙都大富以

避之大富見直隸保太元二十一年拓拔珪大舉伐燕南出馬邑踰勾注後魏太和十八年太子恂將遷洛陽不

欲行其黨元隆等密謀留恂因舉兵斷關規據陁北不果關即東陁西陁二關也後周主邕保定二年遣楊忠會

突厥自北道伐齊拔齊二十餘城齊人守陁嶺之隘忠擊破之至晉陽而還隋大業二年漢王諒舉兵并州遣其

將喬鍾葵圍代州朔州刺史楊義臣奉詔往救夜出西陁鍾葵敗走唐志西陁關名也在鴈門山上東西山巖峭

拔中有路盤旋崎嶇絕頂置關謂之西陲關亦曰鴈門關西北去朔州馬邑縣七十里南去代州三十里今雁門關因故

址改武德二年劉武周引突厥入勾注寇太原五年突厥頡利入雁門寇并州永隆二年裴行儉討突厥餘黨伏

念壁代州之陲口即西陲也又有東陲關在代州南三十里天寶十四載祿山將高秀巖據大同河東太原開關

拒守朔方節度使郭子儀敗賊兵圍雲中拔馬邑遂開東陲關杜佑曰東陲關甚險固與西陲關並為勾注之險會

昌二年回鶻犯塞詔河東節度使劉沔進屯鴈門關虜寇雲中沔擊却之廣明初沙陀入鴈門關寇忻代逼晉陽

陷大谷五代唐清泰三年契丹救河東謂石敬瑭曰吾自北來唐若斷鴈門諸路伏兵險要則吾不得進矣使人

覘視皆無之吾是以知必勝也胡氏曰鴈門有東陲西陲之險崞縣有揚武石門之隘石晉天福九年契丹南寇入鴈門關宋太平興國五

年楊業刺代州契丹來寇業自西陲出至鴈門北口南回擊之契丹大敗雍熙三年楊業等自西陲追破契丹兵

於寰州元豐志鴈門山有太和巖亦曰太和嶺靖康二年金人劫欽宗帝后離青城自鄭州而北至代度太和嶺

至雲中明初傅友德克大同引兵巡太和嶺西北至宣德府今宣府鎮天順二年蒙古字來等寇大同直抵鴈門忻代

遣都督顏彪馮宗率兵屯紫荆倒馬二關為聲援寇益肆勅二關兵出鴈門關乃却嘉靖十九年吉囊由白泉口

在河長驅至宣武關太和嶺敗我兵南掠至平遙俺答亦越太原至石州而東掠平定壽陽間隆慶元年叛人趙

曲縣全巢以入山西塞陷石州全曰自此塞鴈門扼居庸據雲中上谷效石晉故事南北之形成矣今鴈門關在州北

四十里為戍守重地與宣武偏頭為山西三關所謂外關也關城周二里有奇傍山就險屹為巨防

五臺

五臺山在太原府代州五臺縣東北百四十里北距大同府蔚州三十里舊經云山頂去代州城百餘里其山左

鄰恒山右接天池南屬五臺縣北至繁峙縣環臺所至五百餘里名山志五臺山五峯聳立高出雲表山頂無林

木有如壘土之臺故曰五臺中臺高四十里頂平廣周六里西北有太華池正東左畔去臺五里有雨花池前三

十里有飯仙山即中臺臺也東南有鷲峯西側有甘露池東臺高三十八里頂周三里東畔有那羅延洞又東有樓

觀谷內有習觀巖西北去臺十五里有華嚴嶺仙人洞東南嶺畔二十里有明月池西南有青峯一名南羅頂南

連望聖臺臺下有東谷池又東有溫湯池西臺高三十五里周二里北有秘魔巖臺西北有八功德水東北嶺下為文殊洗鉢池南臺高三十里周二里南去七十里巖畔有聖僧巖又名滴水巖西南二十里有三賢巖又名七

佛巖東三十里交口下有聖鐘山狀如覆鐘西北十五里有清涼嶺及清涼泉志云清涼寺在清涼嶺亦名華嚴嶺嶺畔有雲浪亭俗名七里亭為登山之徑一統志清涼嶺在五臺縣東北百里其東有竹林嶺東南有南臺嶺西有清涼石清涼泉清涼洞上有羅漢洞東北有竹嶺東南十里有金閣嶺北臺高三十

三十里周三里名拔斗峯頂南畔有羅喉臺臺頂有黑龍池即天井也南下二十里有白水池與天井連其水經

繁峙縣峩谷口入滹沱其麓有七佛池南又有飲牛池東北有寶陀峯又名寶山產銀及石礪東北二臺麓有金剛窟

又名金剛洞去二臺各二十里靈山記五臺山有四埕去臺各百二十里據古經所載今北臺即是中臺中臺即

是南臺大黃尖即是北臺栲栳山即是西臺漫天石即是東臺四埕者東埕為無郵臺即恒山頂也西埕為普臺

山即管涔山也南埕為繫舟山見太原陽曲縣北埕為覆宿堆即夏屋山也又東臺去中臺四十二里臺上遙見滄瀛諸

州日出時下視大海猶陂澤焉西臺去中臺四里危磴干霄喬林拂日南臺去中臺八十里最幽寂北臺去中臺

十三里地理志五臺河東道名山也道家謂之紫府釋氏謂之清涼山山中古寺得名者自唐大中時計之凡六十有四後增

建益多唐會昌五年盡毀天下僧寺五臺僧皆亡逸明因舊址建顯通寺近時賊嘗橋此阻險以守官軍不敢擊蓋山谿糾結出沒為

易也

其大川則有汾水

汾水源出大原府靜樂縣北四十里管涔山南流經府城西太原縣城東微折面西經清源縣及交城縣東南

又經文水縣南及祁縣西南境而入汾州府平遙縣界經西及汾州府東又南經孝義縣東介休縣西而入平陽

府霍州靈石縣境經縣城及霍州之西又南歷汾西縣東及趙城縣洪洞縣西又南經平陽府城西及襄陵縣太

平縣之東又南經沃曲縣西境折而西逕絳州南又西歷稷山縣河津縣南至榮河縣北而入於大河周職方翼

州浸汾潞潞水即漳水見直隸大川詩彼汾沮洳左傳子產曰臺駘能業其官宣汾洸帝用嘉之封諸汾川戰國策汾水可以

灌平陽俗作絳晉大元末拓拔珪取燕并州遣將略地汾州又周齊相擊爭汾北之地周主邕圍晉州軍於汾曲

唐取關中自汾而西宋園太原墜汾晉二水灌之漢志注汾水經郡二太原河行千三百四十里唐六典汾水河東之大川也

沁水

沁水源出沁州沁源縣北百里縣山東谷西南流經平陽府岳陽縣東又折而東南經澤州沁水縣東又南經陽城縣東而入河南懷慶府界厯濟源縣東北又南經府城北又東經武陟縣東脩武縣西而入於大河漢志注沁水出穀遠縣源即今沁源縣羊頭山世靡谷賈氏曰穀遠北山上東南至滎陽入河過郡三上黨河內河南也滎陽古曰沁水至武行九百七十里曹魏末司馬孚言沁水源出銅鞮山沁州故銅鞮縣也屈曲周圍水道九百里天時霖雨每致汎濫請累石為門蓄泄以時隋大業四年開永濟渠引沁水南入河北通涿郡亦曰御河唐六典河東道大川曰沁水唐乾元初李嗣業軍河內安慶緒將蔡希德等自鄴涉沁水攻之為嗣業所拒還走金貞祐三年遷汴議開沁水便運道近時議者多以引沁水入衛可濟運河然沁水流澗勢急又穿太行而南多沙易淤冬春之間深不盈尺夏秋淫潦往往汎濫為害故懷衛間常隄塞以防其衝決今詳見河南懷慶府

黃河

黃河自陝西榆林衛東北折而南經廢東勝州西又南流歷大同府朔州西界又南入太原府河曲縣界經縣西又南厯保德州岢嵐州及興縣之西又南入汾州府界經臨縣及永寧縣永鄉縣西又南厯石樓縣西而入平陽府界經隰州之永和縣太寧縣西又南經吉州及鄉寧縣西又南經河津縣滎河縣西而汾水注焉又南經臨晉縣界至蒲州城西南而涑水入焉又南過雷首山折而東經芮城縣平陸縣南又東過底柱至垣曲縣東南而入河南懷慶府濟源縣界禹貢浮於龍門西河會於渭汭蓋河在冀州西也春秋時為秦晉爭逐之交戰國屬魏史記魏武侯浮西河而下曰美哉山河之固此魏國之寶也後人於秦而三晉遂無以自固今詳見川瀆異同

鹽池

附見

鹽池在平陽府解州東三里又安邑縣西南二十里亦有鹽池與解為兩池蓋一池而分春秋成六年晉人謀去東西二池也

故絳諸大夫皆曰必居郇瑕之地沃饒而近鹽韓獻子曰山澤林鹽國之寶也杜預曰鹽鹽池也漢志池在安邑西南許慎謂之鹽鹽池長五十一里廣六里周一百一十四里呂忱曰宿沙氏煮海謂之鹽宿沙炎帝時諸侯始煮海為鹽富溢他國

河東鹽池謂之鹽今池水東西七十里南北七里紫色澄渾潭而不流水出石鹽自然凝成朝取夕復終無減損

惟暴雨霖澍潢潦奔軼則鹽池用耗公私其竭水徑防其淫濫謂之竭水其廣狹淺深古今盈縮時有不同又有

女鹽池在解州西北三里東西二十五里南北二十里其西南為靜林等澗服虔曰土人引水沃畦水耗土自成

鹽處也亦謂之鹽醴味小苦不及大池或號為女鹽澤亦曰鹽田鹽俗言此池亢旱鹽即凝結如逢霖雨鹽則不

生舊志女鹽池在水經注鹽水出東南薄山之異名西北流經巫咸山北又徑安邑故城南又西流注於鹽池自

漢武元狩四年用桑羊等言興鹽鐵之利天下鹽官凡二十八都而河東安邑為首後漢元和三年帝幸安邑

觀鹽池外紀云周穆王亦至安邑觀鹽池初平中放散鹽禁建安四年曹操從衛覬言復遣謁者僕射監鹽官以其利招服闕中

其後皆設鹽官董之晉亂監利亦耗後魏復立法征之景明初從中尉甄琛請弛鹽池之禁既而其利皆為富強

所專四年復收鹽池利入公神龜初復申鹽池之禁孝昌三年蕭寶寅反長安正平今開民薛脩義等聚眾河東

分據鹽池攻圍蒲坂以應之時長孫稚奉命西討遣別將楊侃擊平脩義等會有詔廢鹽池稅稚上言鹽池天產

之貨密邇京畿惟應實而守之均贍以理今四方多虞府藏罄竭以鹽稅準絹而言一年不下三十萬匹臣不先

討闕賊徑解河東者非緩長安而急蒲反恐一失鹽池三軍乏食也請依常收稅從之唐食貨志鹽池凡十八井

六百四十惟安邑有池五總謂之兩池皆隸鹽鐵置官權之貞觀十二年幸柳谷觀鹽池其小池曰女池開元中

置女鹽監後以水淡監廢大歷八年兩池生乳鹽十二年賜名寶應靈慶池唐紀大歷十二年先是秋霖河中府池鹽多敗戶部侍郎判度支韓滉恐

鹽戶減稅奏雨雖多不害鹽仍有瑞鹽生上疑其不然遣諫議咸通以後藩鎮益強河中帥得專鹽池之利光啟

大夫蔣鎮往視之鎮還妄對果如滉言因賜號寶應靈慶池

初官者田令孜用事以安邑解縣兩鹽池為河中帥王重榮所專歲止獻三十里供國用請復舊制隸鹽鐵因自

兼兩池權鹽使會要元和十五年改稅鹽使為權鹽使收其利以贍軍重榮不可令孜因從重榮鎮奉寧重榮遂與李克用合謀舉兵犯關討令孜後唐同光二年河中帥李繼麟請權安邑解兩池鹽每季輸省課從之宋志鹽之類有二引池而

化者周官所謂鹽也

俗曰煮海煮井煮鹹而咸者周官所謂散鹽也

未曰解州解安邑兩鹽池壑地為畦引水

沃之水耗鹽成每歲二月壅畦四月引水八月而止得鹽百餘萬又前代鹽皆自生唐開元中池涸河中尹姜師

度始有畦夫管種之課宋張席上言鹽漫生之利遂罷畦夫鹽池考中條山在池南自蒲州接太行形如卧弓環

池而繞之山頂有桃花洞水流入鹽池池與安邑池為兩池官置使以領之又中池北百步許有淡泉一區味甚

甘洌俗謂鹽得此水方成也又西北十五里有硝池六斗曰賈瓦二曰金井三曰團四曰慰大旱則生自鹽池而

南層山墻立天巖雲秀地谷泉深亦天下形勝之處矣鹽池圖說今池東西長五十五里南北闊七里周百四十

成化二十一年增置中場其池亦分為三近安邑者為東池近安邑西二十里路村者為中池近解州者為西池

三場亦以是為次也池底淤泥滋生鹽根形如水晶夏月驕陽薰蒸燕風動盪上結鹽板光潔堅厚可勝行立板

上水約三寸翻騰浪花落板即成顆粒古謂之漫生鹽今謂之硝粒鹽更時露小雨則色愈鮮明故曰顆鹽宜及

時撈採若遇大雨鹽復散秋成地地枯不能生鹽間或有硝粒相雜味亦不正其西北七里即安邑

地蒿草其鹽池亦切近宋元符崇寧間觀察使王仲先於池東西南三面築土堰圍之堰外即安邑

東有苦池於鹽池亦切近宋元符崇寧間觀察使王仲先於池東西南三面築土堰圍之堰外即安邑

之入也此教曰鹽池乃黃河陰潛之功浸折流處也然鹽藉蓋大河從西北來至蒲州折而東衛之由以拒鹽池南

枕條山雨水易迫然非湖泉所出且橫亘有護實堤為似高厚依山有桑園龍王趙家灣大小李西姚諸環縱有

飛瀑阻遏猶易北面多曠壤平即與水隔絕無虞為慮若東西盡處則俱通禁堰大小李西姚諸環縱有

矣東禁堰者有壁水月堰及苦池乃姚運渠舊有復流之水也渠出自夏縣經東至合洪洛渠東合李綽渠

經苦池而進運西向自安邑歷解州抵姚運渠入五姓湖山孟盟橋而注黃河姚運渠首及中股皆狹至安邑與李

綽洪洛之水並注於苦池苦池不能受勢必東北泛溢於黑龍入黑龍則壁水小經開喜縣水合注之勢不能受必

矣硝池即水鹽池也其受苦池於亦入五姓湖在姚運渠北源出自絳縣為絳水小經開喜縣水合注之勢不能受必

自西北橫溢破姚運而奔騰於硝池入硝池則黃牛七郎亭力不能支而竟衝決西禁堰矣况東北又有溝金泉

亦注於黑龍西北又有長樂灘亦注於七郎故築東禁以及黑龍築西禁以及硝池治其標者也浚姚運以導苦

其重險則曰蒲津

蒲津關在平陽府蒲州西門外黃河西岸宋志關在西至陝西朝邑縣三十五里唐志蒲州治河東縣乾元初以

西去故河西左傳文二年秦伯伐晉濟河焚舟即此處也又昭元年秦公子鍼犇晉造舟於河通秦晉之道也戰

國時魏置關於此亦曰蒲阪津亦曰夏陽津自關中而言曰蒲阪津秦紀昭襄王五十年初作河橋司馬貞曰為